

2020

AÑA DI
ENSEÑANSA Y
INNOVACION

2020

ISLA((•))NLINE

Diamars 24 November 2020

Email: IslaOnline@gobierno.aw Tel: 528-4900

2020




ISLA ONLINE

NOTICIA DI GOBIERNO

UN ISLA UNI
LO VENCE TUR RETO



GOBIERNO DI ARUBA




Premier Evelyn Wever - Croes:

PROME MINISTER EVELYN WEVER-CROES TA FELICITA DIRECTIVA NOBO DI PARLAMENTO HUBENIL PA ANA 2020-2023

Parlamento ta un di e tres pilaman di e Trias Politica cu nos conoce desde 1748 y e tata di e filosofia tabata e Frances Charles Montesqui. Parlamento ta e Poder Legislativo, e otro dos pilaman ta e Poder Ehecutivo y e Poder Hudicial. Trias Politica tabatin influencia riba henter mundo y a wordo considera como un di e guianan mas importante pa e structura politico di casi tur Pais nobo. Cu e Trias Politica, e poder absoluto di Rey a wordo reduci. Aruba como un Pais relativamente hoben, desde 1 januari 1986, cual nos a sali for di bou di e 'halanan' di antiyas y nos a crea lasonan constitucional mas estrecho cu Hulanda. Asina nos a haya nos propio Gobernador, Parlamento y Gobierno. Den e constelacion nobo di Reino, Aruba por a dicidi ki rumbo e por bay y scoge na cua instancia internacional e ta afilia su mes.

Separacion di poder ta bon, bo ta crea 'checks and balances' di bo sistema constitucional y un pilar tincu tene cuenta cu e otro pilar. Pa hopi tempo, despues cu Aruba a haya su status aparte, nos no tabatin un Parlamento Hubenil manera varios otro Pais si tabatin. Apenas 9 di juni 2003 a bin Fundacion Parlamento Hubenil. Parlamento hubenil pa su reunionnan mas importante den pasado a yega di conta cu sosten y apoyo di Parlamento di Aruba y a tene reunionnan den e sala. Awo cu a instala un directiva nobo pa Fundacion Parlamento Hubenil, e directiva aki lo tin e tarea difcil pa rebiba y modernisa Parlamento Hubenil pa hibe na e siguiente nivel.

Participacion di hobennan ta fundamental den e mundo cu nos ta bibando aden. Pesey como Prome Minister mi ta compromete mi mes na duna Parlamento Hubenil un vos a traves di reunionan riba base regular pa delibera riba diferente tema di interes general pa nos hobennan hunto cu Gobierno. Alabes kier expresa e deseo di por mira Parlamento Hubenil profila su mes mas internacionalmente y intercambia



experiencia talves cu Parlamentonan Hubenil den region. Ta kere cu como miembronan di directiva tin un bunita tarea. Ta gradici colega Minister Glenbert Croes pa e sosten cu el a duna e hobennan y ta garantiza cu por sigui conta riba dje. Finalisando kier gradici cada un di bosonan pa pone tempo disponibel pa haci esaki. E tarea ta grandi pero sigur hopi bunita!, Prome Minister a termina bisando.



GOBIERNO DI ARUBA

26 nov 2020

34 AÑA
FAYECIMENTO DI



Nos Libertador
BETICO CROES

Gobierno di Aruba ta conmemora
cu un Santo Sacrificio si Misa

Fecha: 26 november 2020
Luga: Parokia Inmaculada Concepcion
Orario: 7:00 pm

Lo tin un Ofrenda Floral 6:15 pm
na Santana

Gilberto François "Betico" Croes
25 jan 1938 - 26 nov 1986



DISTRICT297

Live Webinar

Brain Gain Aruba

26 November 2020

6PM (NL Time)

Sign up today!



MINISTER DI FINANSA, ASUNTONAN ECONOMICO Y CULTURA

MINISTER XIOMARA MADURO



UPDATE CENSO2020


Oficina Central di Estadistica kier a duna un update tocante Censo2020. Manera ta conoci den e luna di october Censo 2020 por a wordo completa online of via telefoon.

Desde 1 di november 2020 a cuminsa cu e parti di bishita di cas pa cas y desde 20 di november e cuestionario di Censo2020 ta disponibel online bek. Por completa e cuestionario online te cu dia 30 di november. Bishita di cas pa cas tambe lo sigui te cu 30 di november.

Te cu awe mainta un total di 24.620 hogar y un total di 69.295 persona a wordo conta.

Pa cualkier informacion por tuma contacto cu e Census help desk na 524 7444 for di 8 or di mainta pa 8 or di anochi.

CENSO2020 UPDATE: CANTIDAD CONTA



HENDE HOMBER

34.234



HENDE MUHER

35.061

MUCHA 0-17: 14.774

ADULTO 18-64: 43.299

ADULTO 65+: 11.222

+

TOTAL: 69.295

FALTA +/-: 43.000



24.620 HOGAR a wordo conta!

Falta pa conta +/-

19.400 HOGAR

Situacion te cu 23 november 2020

ARUBA TA CONTA RIBA BO!

#DINOSPANOSMES

25 di november 2020

10^{or} di mainta

LIVE



GABINETE WEVER CROES



TELEARUBA- CANAL 23



INVITACION

Minister di Finansa, Asuntonan Economico y Cultura
hunto cu e unidad IDEA, di Departamento di
Asuntonan Economico, Comercio y Industria
cordialmente ta invitabo:

Pa bin presencia lansamento di un campaña nobo

Diaranson 25 di november 2020
Dilanti di 'La Moderna' Caya G.F. Betico Croes
pa 10'or di mainta.

Corda bini cu tapaboca y mantene distancia social.

RSVP: junior.arends@gobierno.aw



Minister di Finansa,
Asuntonan Economico y Cultura





DEN SECTOR DI SALUBRIDAD PUBLICO LO CERA UN CONVENIO DEN E TRAYECTO DI IMPLEMENTACION DI E CODIGO DI PROTECCION



Cada mucha abusa ta uno di mas, esaki ta e palabranan di Lider di Proyecto di sector di salubridad publico, sra. Grace Maduro, cu ta trahando incansabel hunto cu e profesionalnan den veld di salud pa cu e trayecto di implementacion di eCodigo di Proteccion.

Segun sra. Maduro, eCodigo di Proteccion a duna e oportunidad pa train y ekipa nos profesionalnan den sector di salubridad publico a base di e metodo di "Signs of Safety". Signs of Safety ta duna e profesionalnan e herment pa por midi un situacion, ora tin sospecho di abuso di mucha. ECodigo di Proteccion ta

hinca concreto den otro y ta duna un amplio splicacion di con ta maneha cu caso di abuso di mucha cu e meta principal pa yega na e seguridad di cada mucha y hoben na Aruba.

Den sector di salubridad publico actualmente ta den e trayecto caminda Wit Gele kruis y Jeugd Gezondheid Zorg ta cla pa cera un convenio, un "samenwerking protocol" di tur e pasonan concreto cu tin cu implementa, ora ta trata di un caso di abuso di mucha. Esaki ta importante mirando e echo cu den e sector aki nos tin cu anda cu "medisch geheim" di cada cliente. Tur instancia a ricibi tur informacion y training den e lunanan cu a pasa y lo continua e trayecto den e luna venidero.

E meta principal di eCodigo di Proteccion aki ta pa percura pa tur mucha na Aruba por crece den un ambiente di seguridad y fortalece e structura di cuido y trahamento hunto entre e profesionalnan dentro di e instancianan esencial, cu ta forma un parti hopi importante den e bida di un mucha y un hoben. Den e etapa final di aña 2020 y comienso di aña 2021 lo bay tuma luga diferente accion concreto y determinante dentro di e 4 sectornan pa asina finalisa e preparacion di implementacion di e ley diCodigo di Proteccion.

Pa mas informacion tocante e Ley diCodigo di Proteccion por tuma contacto cu Coordinador Nacional di Proyecto sra. Sue Ann Lacle-Ras via email sueann.ras@gobierno.aw.



#MIMUNDONOBO DEN WOWO DI NOS HOBENNAN

Recientemente a tuma luga na nivel di Reino un iniciativa a base di un expresion di Minister President di Hulanda, Sr. Mark Rutte, kende a vocifera cu ta su opinion cu Gobiernonan di tur e paisnan den Reino mester scucha mas e bos y opinion di hobennan di nan respectivo paisnan.

Esaki a haci cu UNICEF Hulanda a crea e proyecto #MyNewWorld, #MiMundoNobo. A organisa #MiMundoNobo na Hulanda, Corsou, Boneiro, St. Maarten, St. Eustatius, Saba y Aruba. Y na Aruba, Unicef Hulanda a acerca Fundacion Telefon pa Hubentud pa presidi y realisa e proyecto aki.

#MiMundoNobo a inicia riba 17 di october ultimo. Na Aruba a selecta 8 hoben di entre 14 pa 18 aña cu ta bishita scol secundario pa participa den e proyecto aki. Ta trata di 4 hoben masculino y 4 femenino. Nan ta bin di diferente districto di Aruba y for di diferente etnicidad. E hobenan cu a duna nan aporte na #MiMundoNobo ta: Ariany de Weever, Daniel Jones, Giovanna Carisal, Loui-Angelo Bislick, Jean Croes, Jordan Peterson, Shaneidee Rosaria y Sherona Manuela.

Primeramente e hobennan a bin hunto riba 17 di october pa combersa tocante e retonan cu den nan opinion Aruba ta enfrentando.

Despues riba 24 di october nan a delibera riba posibel solucionnan pa e retonan cu nan ta mira.

Despues e hobennan a ricibi training di debate como preparacion pa un debate contra hobenan di Boneiro y Corsou. Riba 20 di november, dia Nacional y Internacional di Derecho di Mucha, e hobennan a debati virtualmente for di e studio di Telaaruba contra hobenan di nos islanan ruman tocante diferente ponencia.

24 di november ultimo, Minister President di Aruba Evelyn Wever- Croes conhuntamente cu Minister di Asuntonan Social y Labor, Sr. Glenbert Croes a ricibi e hobennan aki. Durante e encuentro den e sala di Consejo di Minister e hobennan por a dialoga cu Minister President y Minister di Asunto Social y Labor riba e puntonan menciona den nan rapport. Fundacion Telefon pa Hubentud Aruba a percura pa Unicef Hulanda ricibi e informacion aki, cu a keda incorpora den un rapport final. Tanto Minister President como Minister di Asunto Social y Labor tabata sumamente impresiona cu e vision di e hobennan aki. Manera Minister Glenbert Croes a expresa: e hobennan aki ta e generacion di 'gamechangers', e futuro lidernan di Aruba cu lo hiba nos pais e proximo nivel.

Pa e hobennan e tabata un honor di por a participa na #MiMundoNobo y contribui na e vision di loke Minister Glenbert Croes ta yama #NosArubaNobo. Minister President como Minister Glenbert Croes a gradici nan enormemente pa nan contribucion na e rapport y di a comparti nan vision cu Gobierno di Aruba.





WEBINARS ARUBALENING Y STUDIA NA HULANDA

Departamento di Enseñansa Aruba (DEA) conhuntamente cu Arubahuis ta organisa diferente sesion di informacion online special pa tur esnan cu kier aplica pa un Arubalening pa studia na Aruba of den exterior como tambe pa tur esnan cu tin interes y ta preparando pa bay studia na Hulanda.

E webinars ta wordo organisa riba e plataforma Zoom y lo tuma lugar riba diamars dia 1 di december, diahuebs 3 di december y diamars 8 di december proximo. Cada webinar lo atende cu algun topico specifico y lo conta tambe cu oradoman special di diferente instancia, mentoren di Arubahuis y studiantenan actual cu lo duna informacion na e futuro studiantenan y nan mayornan.

WEBINAR 1: ARUBALENING (TUR PAIS) / STUDIA NA HULANDA

Hosted by Departamento di Enseñansa Aruba & Arubahuis
Diamars 1 december 2020 di 5:00pm – 6:30pm (AUA)

Land Aruba ta brinda studiantenan cu kier haci un estudio na nivel di Bachelor of Master sea na Aruba of den exterior un prestamo pa financia e estudio: "Arubalening". Durante e prome webinar lo duna informacion amplio di e opcionnan cu Arubalening ta ofrece e estudiante, e condicionnan pa por bin na remarca pa un Arubalening y henter e procedura di aplicacion.

Banda di e informacion tocante Arubalening Arubahuis lo elabora riba e topico studia na Hulanda. Lo duna informacion general di Hulanda como opcion di estudio, aplicacion pa un estudio, financiamiento di estudio na Hulanda y lo duna informacion tocante guia y sosten na Hulanda cu Arubahuis ta ofrece.

WEBINAR 2: STUDIEKEUZE EN STUDEREN IN HET HOGER ONDERWIJS

Hosted by Arubahuis en Studiekeuze123 Diahuebs 3 december 2020 di 4:00pm – 5:30pm (AUA)

Arubahuis conhuntamente cu e instancia Studiekeuze123 lo duna informacion tocante e proceso di escogencia di estudio y riba e aspectonan specifico di studia den enseñansa superior na Hulanda. Durante di e webinar lo elabore riba e diferente

facilidadnan cu e plataforma Studiekeuze123 ta ofrece na nos (futuro) studiantenan. Tambe lo duna informacion riba e sistema di enseñansa superior na Hulanda y tur e aspectonan importante cu mester tene cuenta cune. Studiantenan actual na Hulanda tambe lo comparti nan experiencia y lo duna conseho riba e topiconan menciona.

WWW.EA.AW, WWW.ARUBAHUIS.NL, +297 528 3400,
STADIONWEG 37, ORANJESTAD, ARUBA

WEBINAR 3: (STUDENTEN) HUISVESTING IN NEDERLAND

Hosted by Arubahuis en DUWO Diamars 8 december 2020 di 3:00pm – 4:30pm (AUA)

Arubahuis conhuntamente cu studentenwoningcorporatie DUWO lo duna informacion riba e topico di vivienda na Hulanda. Lo duna informacion y conseho riba e diferente opcionnan di vivienda cu tin pa estudiante, informacion specifico di cada regio y tambe riba e stapnan importante cu cada futuro estudiante mes mester tuma pa por garantiza y regla un acomodacion na Hulanda.

REGISTRA Y PARTICIPA

Tur alumno, mayor y publico en general cu tin interes pa haya mas informacion di Arubalening y riba e topico Studia na Hulanda ta keda cordialmente invita pa registra pa participa na e online webinars di Departamento di Enseñansa y Arubahuis.

Registracion y tur informacion ta completamente gratis. Sinembargo ta rekeri pa registra pa por participa. Pa informacion di registracion mester acudi na website www.ea.aw.

MAS INFORMACION

Pa mas informacion relaciona cu Arubalening y Studiamento, por acudi na website Enseñansa Aruba www.ea.aw.

Tambe por sigui e social media pages (facebook y instagram) di ambos Departamento di Enseñansa Aruba @educationaruba y Onderwijszaken Arubahuis @onderwijszakenarubahuis pa keda up to date cu tur informacion oficial.



Departamento di
Enseñansa Aruba

Onderwijszaken
Arubahuis

f @educationaruba

ea.aw

Webinars #Studia #Arubalening

1 Dec 5.00 PM/AUA

Arubalening (algemeen)
Studeren in Nederland

3 Dec 4.00 PM/AUA

Studiekeuze
Studeren in het Hoger Onderwijs

8 Dec 3.00 PM/AUA

Huisvesting in Nederland

Register now!



Ronella Tjin Asjoe - Croes, CEO ATA: A BASE DI PROYECCION ARUBA SU RECUPERACION DI TURISMO TA SIGUI BAY DEN BON CAMINDA

Dialuna 23 di november Ronella Tjin Asjoe - Croes, CEO di Aruba Tourism Authority (ATA) a presenta update di e situacion na Aruba den cuadro turistico, despues di re-apertura di Aruba su frontera cu a tuma luga na luna di juli.

Cifranan incluyendo luna di october 2020 compara cu aña pasa, ta ilustra cu Aruba ta na un caida di 68%. Esaki ta den margen cu e cifranan cu a proyecta pa e aña aki, caminda cu a pronostica cu Aruba lo por cera e aña cu un caida di entre 60% cu 70%, compara cu aña 2019. Locual ta remarcabel ta e grado di satisfaccion di nos bishitantenan. No ta facil awendia pa tuma e decision pa biaha, y no ta facil tampoco pa pasa den e proceso di biahe. E ta tuma extra esfuerso di cada biahero. A tuma nota a base di analisisnan mensual caminda cu ta revisa mas di 100 "review sites" (entre otro: Trip Advisor), cu den e ultimo lunanan desde re-apertura, cu Aruba ta score un 9 y e cifra maximo ta 10. Mientras cu prome cu COVID e grado di satisfaccion tabata 8.9, cual ta muestra cu e grado di satisfaccion awor ta mas halto cu locual cu tabatin prome cu COVID. Esaki mester sigui mantene y alabes lo sigui monitor e desaroyo.

Pa 2021, drentando temporada halto, e grado di recuperacion lo continua a base di proyeccionnan y esaki tambe ta e meta. Ta spera cu eorey Aruba lo por ta ricibiendo entre 25% y 65% di locual cu Aruba a ricibi na 2019. E escenario optimista ta, cu Aruba ta ricibi 60% di locual cu a ricibi na 2019.

E cifranan aki ta encera esnan cu ta bishita cu avion, pa turismo crusero tin otro proyeccion.

Locual a bin ta haci y cual ta yuda, conhuntamente cu mas flexibilisacion. Ta sigui cana e caminda pa recuperacion economico pa cual a anuncia varios paso ultimo simannan. Locual lo yuda e restante di 2020, ta e re-apertura di e mercado di Latino America otro siman y ta proyecta cu pa december e lo por genera un total di entre 2000 - 2500 bishitante for di e region aki. E otro paso clave y logro cu a anuncia siman pasa ta, e cambio di e color di codigo di Aruba den e mercado Hulandes. Dibiaha a lansa un campaña cu e color geel, cual kiermen (a base di calculacion) cu nos por ta ricibiendo entre 1800 - 2000 bishitante for di e mercado Hulandes pa e restante di e aña aki. Esaki ta yuda cu e grado di recuperacion, cual lo por yuda cu e grado di recuperacion (enbes di 32%, pa 35% compara cu 2019).





Segun diferente investigacion, Aruba ta keda sigur den demanda cerca biaheronan di Merca. Un analisis di siman pasa ta indica cu Aruba ta den top 4 di destinacionnan den Caribe, pa unda Mericanonan lo ta biahando den e proximo lunanan. Pues e potencial ta sigui tey y mester percura pa captura esaki debidamente. Tin algun aspecto cu ta monitorea di cerca cual un di nan ta, cu e casonan positivo na Merca tambe a sigui subi. Aruba ta sigui mantene su mes na un maneho di 100% test pa bishitante. Esaki ta trece cu ne cu algun biahero ta dicidi di cancela nan biahe, mirando e situacion na nan Pais. Un otro punto tambe importante pa menciona cual ta tipifica cosnan cu ta sigui cambia ta cu, CDC cual ta e ekivalente di DVG na Merca, a cambia e nivel di risico di tur e Paisnan cu nan tabatin anteriormente den categoria 3 (esun mas beneficioso ta categoria 1). Aruba tambe ta cay den categoria 3 y ayera nan a cambia nan categorisacion y pues tur cu tabata cay den categoria 3 awor ta cay den categoria 4. Esaki ta algo cu ta monitorea y traha riba dje pa keda informa autoridadnan concerni di e progreso positivo na Aruba. Pa asina cambia e categoria di riesgo pa Aruba y beneficia di esaki mescos cu a bin ta haci den otro mercadonan.

Continuacion A BASE DI PROYECCION ARUBA SU RECUPERACION DI TURISMO

Ademas lo sigui cu diferente campaña, manera e "One Happy Workaction", haciendo uzo di e tendencia cu hopi hende ta trahando na cas. E campaña ta encera cu enbes cu bo ta sinta na cas y traha, por haci esaki den hotel, riba beach of otro sitionan rond Aruba. Te cu aworaki si tira un bista, teniendo na cuenta cu a lanza e campaña na september. Entre september y october a ricibi 1000 persona cu a biaha pa Aruba cu e proposito aki, haciendo uzo di e beneficio aki. Pues na luga di ta na cas sinta, ta bin Aruba y sinti sigur na Aruba disfrutando di tur locual Aruba ta ofrece. Esaki sigur ta un bon desaroyo y 30% di esnan cu a bin cu e proposito aki ta keda na hotel, 30% na timeshare y 30% na otro acomodacion. Pues e ta sigur duna beneficio na diferente area di nos economia.

Por ultimo, ta aplaudi e comportacion cu ta mira di parti comunidad y sigur sector comercial. Por nota cambio desde september y ATA como autoridad cu ta forma parti di e crisis team, sigur un di e metanan ta pa sigui cu e control y supervision. Pa wak pa keda skerpi y no dal pasonan atras. Si tur cos bay segun planificacion lo bay ta ricibiendo mas turista cual ta nifica cu lo ta importando mas caso. Te cu aworaki ta mira un elevacion leve di casonan di no residente, pero e meta ta keda pa mantene casonan bou di residentenan y bishitantenan bou control. Cu e informacion aki ta spera di a duna un impresion di con e recuperacion ta andando, esfuersonan cu a bin ta lanza, resultado di comportacion local cu ta yuda stimula e recuperacion y algun punto cu ta sigui monitorea mirando cu e situacion ta uno cu ta sigui cambia.



ACCOORD CU ARUBA ENTERTAINMENT 2020

CODE BLUE				
Events	Crisis Team and Aruba Entertainment 2020 Protocol	<p>Artikel 3.5 1. Het is verboden muziekevenementen of – uitvoeringen van welke aard dan ook te houden, waarbij wordt gedanst door het publiek of gelegenheid tot dansen wordt gegeven aan het publiek. 2. Indien een muziekevenement of –uitvoering op of aan de openbare weg wordt gehouden, geschiedt zulks uitsluitend voor voorbijgaand, nietstilstaand publiek en met inachtneming zoveel mogelijk door de muzikanten en hen ondersteunende personen van een onderlinge afstand van 1,5 meter. 3. Indien een muziekevenement of –uitvoering in een afgesloten ruimte wordt gehouden, bedraagt het aantal muzikanten niet meer dan 5.</p>		
Entertainment	Perform Max 5 INDOOR Preventive measures as per protocol # 2 OUTDOOR full Crew			
Hotels	Some restrictions Dancing NOT allowed Protocol # 2			
Restaurants	Some restrictions Dancing NOT allowed Protocol # 2			
Cafe's	Some restrictions Dancing NOT allowed Protocol # 2			
Public Outdoor Events	Some restrictions Dancing NOT allowed Protocol # 2			
Clubs	Some restrictions Dancing NOT allowed Protocol # 2			
Private Corporate Events	Some restrictions Dancing NOT allowed Protocol # 2			
Ballrooms & Party Places	Some restrictions Dancing NOT allowed Protocol # 2			
Protocol # 2	Protocol Officer provided by venue	Guests not allowed to go to the bar. Only service by waiters.	Shorter performances max. 3.5 hrs with max 2 breaks	Significant capacity reductions to ensure social distancing

Departamento di Salud Publico:

UPDATE 24 DI NOVEMBER 2020

Segun resumen di awe 11 persona mas a recupera di covid, a keda registra un total di 14 caso nobo di Covid-19, di cual 2 ta no-residente, ("positivity rate" awe ta 15%).

Casonan activo pa awe ta na 88, total di testnan haci na airport y hospital hunto ta 286, testnan haci na laboratorio di hospital so ta 80, total di casonan di fayecimento relaciona cu Covid-19 ta na 45

Averahe di casonan pa dia abase semanal ta 11 caso y averahe di "positivity rate" pa dia abase semanal ta 13%. Hospital ta informa cu tin un total di 7 persona interna di cual 3 ta den Cuido Intensivo y 4 isola riba piso general. Dentro di poco nos ta drentando un temporada festivo. Un temporada unda nos tin custumber di comparti cu famia y amistadnan. E aña aki sigur lo ta uno diferente unda nos mester ta conciente cu nos no por celebra den grupo grandi manera custumber.

E yamado ta na comunidad pa den e dianan di fiesta venidero, sigui mantene distancia, sigui aplica higiena, sigui uza tapaboca, sigui test pa covid sibo tin sintoma, sigui mantene isolacion of cuarentena ora bo wordo instrui, sigui cumpli y sigui cuida. Di forma aki nos lo por disfruta di e dianan festivo sano den compania di nos famia y sernan stima.


Aruba ta conta cu bo!

CASONAN CORONAVIRUS COVID-19 ARUBA 24 DI NOVEMBER 2020

	TOTAL	RESIDENTE	NO RESIDENTE
CASONAN NOBO	14	12	2
ACTIVO	88	77	11
RECUPERA	4618	4528	90
POSITIVO	4751	4650	101
NEGATIVO	42628	-	-
GETEST	47379	-	-
GETEST NA AIRPORT	24446	-	-
MORTO	45	45	0



Gobierno di  Aruba



2020

Tur caminda cu ta
dirigi na exito
mester pasa den
trabou duro
cu dedicacion y
determinacion
nos ta logra e
exito cu nos
propone

Feliz Siman

GABINETE WEVER-CROES

ISLA ONLINE

NOTICIA DI GOBIERNO